

PEMBERITAHUAN PERTANYAAN LISAN DEWAN NEGARA  
MESYUARAT KEDUA, PENGGAL KEEMPAT  
PARLIMEN KEEMPAT BELAS

---

**PERTANYAAN** : **JAWAB LISAN**

**DARIPADA** : **YB SENATOR DATO' HAJI JEFRIDIN BIN  
HAJI ATAN**

**TARIKH** : **21 DISEMBER 2021 (SELASA)**

**SOALAN**

**Dato' Haji Jefridin bin Haji Atan** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah statistik bagi status lucut hak Orang Yang Layak dan Sesuai berkenaan hak penjagaan seseorang kanak-kanak dan nyatakan apakah faktor-faktor utama yang mendorong kepada perlucutan hak tersebut.

**JAWAPAN**

Kementerian Pembangunan Wanita, Keluarga dan Masyarakat (KPWKM) menerusi Jabatan Kebajikan Masyarakat (JKM) mengambil berat terhadap isu kanak-kanak dalam jagaan orang yang layak dan sesuai. Berdasarkan tafsiran di bawah Peraturan-Peraturan Kanak-Kanak (Orang Yang Layak dan Sesuai) 2009, orang yang layak dan sesuai ertinya mana-mana orang yang dilantik oleh Mahkamah yang berupaya dan sesuai untuk memberi pemeliharaan dan perlindungan, perlindungan dan pemulihan serta pengawasan terhadap seseorang kanak-kanak

Bagi tempoh Januari hingga Oktober 2021, sebanyak **enam belas (16)** kes telah dibatalkan perintah Orang Yang Layak dan Sesuai (OYLS) atau dilucutkan hak oleh Mahkamah Bagi Kanak-kanak.

Antara faktor yang mendorong kepada pembatalan perintah dan perlucutan hak terhadap jagaan OYLS kepada kanak-kanak adalah:

- 1) OYLS telah melakukan kesalahan di bawah Seksyen 31 (1)(a) Akta Kanak-kanak 2001 iaitu sebanyak 6 kes;
- 2) OYLS telah meninggal dunia sebanyak 3 kes;
- 3) Kanak-kanak dikembalikan kepada ibu kandung sebanyak 4 kes;
- 4) Pembatalan Borang 13 atau di bawah Seksyen 35 Akta Kanak-kanak 2001 sebanyak 1 kes;
- 5) Kanak-kanak telah melalui proses pengangkatan 1 kes;
- 6) OYLS tidak berkemampuan sebanyak 1 kes.

Sebagai sokongan kepada Akta Kanak-kanak 2001 serta menyantuni isu kebajikan kanak-kanak dan OYLS, beberapa Peraturan telah dibangunkan iaitu:

- i. Peraturan-Peraturan Kanak-Kanak (Orang Yang Layak dan Sesuai) 2009 [*P.U.(A) 100/2009*];
- ii. Peraturan-Peraturan Kanak-Kanak (Orang Yang Layak dan Sesuai (Pindaan) 2017 [*P.U.(A) 288/2017*]; dan
- iii. Peraturan-Peraturan Kanak-Kanak (Pemeliharaan Berasaskan Keluarga) 2017 – [*P.U.(A) 287/2017*

**SOALAN NO. : 45**

Selain itu juga, JKM telah mengeluarkan Garis Panduan Pemeliharaan Kanak-Kanak dalam Jagaan Orang Yang Layak dan Sesuai sebagai rujukan tambahan serta pengendalian kes kanak-kanak kepada OYLS.

Sekian, terima kasih.

**PEMBERITAHUAN PERTANYAAN LISAN DEWAN NEGARA  
MESYUARAT KEDUA, PENGGAL KEEMPAT  
PARLIMEN KEEMPAT BELAS**

---

**PERTANYAAN : JAWAB LISAN**

**DARIPADA : YB SENATOR PUAN LIM HUI YING**

**TARIKH : 21 DISEMBER 2021 (SELASA)**

**SOALAN**

**Puan Lim Hui Ying** minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah rumah perlindungan yang telah diwujudkan di setiap negeri bagi membantu golongan mangsa keganasan rumah tangga.

**JAWAPAN**

Tuan Yang di-Pertua,

Kementerian Pembangunan Wanita, Keluarga dan Masyarakat (KPWKM) sentiasa komited dalam melaksanakan pelbagai usaha untuk mencegah dan membantu mangsa keganasan rumah tangga.

Untuk makluman, rumah perlindungan bagi mangsa keganasan rumah tangga yang diuruskan oleh kementerian ini adalah seperti berikut:

- (i) Rumah Perlindungan yang dikenali sebagai **Tempat Selamat** mengikut Seksyen 2 Akta Keganasan Rumah Tangga [Akta 521];
  - a. Tempat Selamat ialah mana-mana rumah atau institusi yang disenggarakan atau diuruskan oleh Kementerian atau Jabatan yang bertanggungjawab bagi perkhidmatan kebajikan atau oleh mana-mana agensi lain atau organisasi sukarela yang diluluskan oleh Menteri bagi maksud Akta ini.
  - b. Pada masa ini terdapat **42 buah Tempat Selamat** yang diluluskan oleh Menteri di bawah Akta 521 di seluruh negara iaitu **35** dikendalikan oleh Kerajaan dan **7** dikendalikan oleh NGO.
  - c. Senarai Tempat Selamat ini tidak boleh didedahkan kepada orang awam atas faktor keselamatan kepada mangsa yang diberi perlindungan. Mangsa yang ingin mendapatkan perlindungan di Tempat Selamat boleh menghubungi atau datang ke Pejabat Kebajikan Masyarakat Daerah (PKMD) di mana mangsa tinggal.
- (ii) Rumah Perlindungan yang dikenali sebagai **Tempat Berlindung** mengikut Seksyen 2 Akta Keganasan Rumah Tangga [Akta 521];
  - a. Mana-mana rumah, institusi atau mana-mana tempat lain yang sesuai yang penghuni atau pemunya bersedia untuk menerima seseorang mangsa buat sementara waktu.

- b. Tempat berlindung yang telah disediakan pada ketika ini adalah seperti berikut:
- i. Dua (2) buah Rumah Perlindungan Khas Wanita di bawah Kementerian Dalam Negeri (KDN) yang diuruskan oleh JPW telah dijadikan sebagai tempat berlindung untuk mangsa keganasan rumah tangga (KRT). Tempat tersebut terletak di Kelantan dan Sabah.
- c. **Jabatan Agama Islam Wilayah Persekutuan (JAWI)** dengan kerjasama Jabatan Pembangunan Wanita (JPW), Kementerian Pembangunan Wanita, Keluarga dan Masyarakat (KPWKM) telah mewujudkan **pusat Transit Keganasan Rumah Tangga di masjid.**
- i. Dua (2) buah masjid dipilih sebagai perintis iaitu Masjid Wilayah Persekutuan dan Masjid Al Ghufuran Pinggiran Taman Tun Dr. Ismail serta 12 buah masjid lagi telah dijadikan sebagai pusat aduan bagi kes KRT.

Sekian, terima kasih.